

潮陽縣知縣周恆重修

星野

爾雅星紀斗牽牛也

周禮疏南斗牽牛星紀也吳越揚州分野

春秋元命苞牽牛流為揚州分為越

史記天官書牽牛婺女揚州

史記正義南斗牽牛須女為星紀于辰在丑越之分野

前漢書吳斗分野越牽牛婺女分野

潮陽縣志

卷一

星野

一

後漢書星紀起斗十二度至須女七度于辰在丑吳越之分野屬揚州焉

費直云星紀起斗十度終婺女五度

蔡邕云星紀起斗六度終婺女二度

皇甫謐帝王世紀黃帝受命推分星次以定律度自斗十一度至婺女七度曰星紀之次于辰在丑于律為黃鐘斗建在子今吳越分野

晉書天文志牽牛六星上一星主道路次二星主關梁次三星主南越

沈懷遠南越志南越之地牛女分野揚州之末土也

昌黎韓子曰甌閩而南皆百粵之地于天文其次星紀

唐書天文志一行以爲天下山河之象存乎兩界越及百越去南河爲遠牛女爲越分

杜氏通典牛女爲越之分野

鄭氏通志牛女在東南

馬氏通考牛女屬揚州

山堂考索牛女越分

明太祖分野書閩粵諸郡俱牛女分

明一統志惠州專屬須女潮州專屬牽牛

潮陽縣志

卷一

星野

二

明史天文志潮州牛分

以上言粵東分野所屬之星而歸於潮之屬牛宿

春秋緯文耀鉤蒙山以東至南江會稽震澤徐州揚

州屬權星

北斗中第四星

星書北斗七星第一星曰天樞二曰璇三曰璣四曰

權五曰玉衡六曰闔陽七曰瑤光石氏曰一主秦二

主楚三主梁四主吳五主趙六主燕七主齊

按戴璵以權星

主粵蓋吳兼吳越而言則石戴二說自合

星經玉衡第六星指揚州常以五巳之日候之

宋史天文書天市垣二十二星東藩十一星其二曰

南海六日吳越

以上禘引恆星之應兼占於潮者

宋史天文書熒惑色赤遇有道之分則循軌順行天下義甯年穀順成主南方

以上言潮于五緯中宜占熒惑

案前漢書天文志牽牛爲犧牲其北河鼓婺女其北織女而律歷志牛八度女十二度者卽牽牛婺女與月令同稱所謂星紀初斗十二度大雪中牽牛初冬至終於婺女七度也牛六星女四星此黃道日月五星之所經分野之說所自起河鼓三星

潮陽縣志

卷一

星野

三

織女三星而河鼓之下剛值牛宿故並指臨河之河鼓爲牽牛然溯爾雅周禮所紀統曰牽牛其所謂女則曰須女婺女而不曰織女至晉書說分野猶沿牽牛之名唐以後始分言之顯爲區別明天文志潮州牛分是已其一統志曰潮州屬牽牛則沿舊不悟之失總之分野之說渺茫可以不論而晷度之於郡邑分毫不能假借固今日之所重也

暑度

梅文鼎曰極度暑景常相因知北極出地之高即可知各節氣午正之景測得各節氣午正之景亦可知北極之高西洋人測得京師各省北極出地度分北京四十度廣東二十三度明史天文志

潮州在省垣東稍北北極出地當二十三度半強潮府志

周志

潮陽二十三度十二分中線偏東五分廣東阮志

案阮志潮陽北極出地二十三度十二分茲於八月初五秋分日午正在縣署立竿一丈測得太陽

潮陽縣志 卷一

暑度

四

暑景四尺二寸二分謹檢

御製數理精蘊八綫表二十二度其正切四二二〇一六七

為二十二度五十二分五十秒則潮陽北極出地

之高度也以黃赤大距與一象限展轉相減亦得此數其京師中綫之

偏度須由月食時兩地推測不能以偏隅遠定大

約偏東不離五分內外其時刻之遲早不過先京

師一瞬耳潮陽去廣東省垣東西相差約三度三

十五分時刻相差一十四分又小半分如潮陽之

午正初刻則廣州之午初三刻又大半分也

氣候

前漢書揚越之地少陰多陽

韓昌黎詩窮冬或攜扇盛夏或重裘

龔茂良題惠來驛詩晴雲欲午常揮扇曉霧生寒又著綿自是嶺南多氣候日中常有四時天

蘇文忠公集嶺南氣候不常菊花開時卽重陽涼天佳月卽中秋不須以日月爲斷也

性理精義程子曰天下之或寒或燠只緣地形高下如屋陽則燠屋陰則寒屋之西北又益寒伯淳在澤州嘗三次食韭黃始食懷州次食澤州又次食并州

潮陽縣志

卷一

氣候

五

則知數百里間氣候爭三月矣若都以此差之則須

爭半歲

案潮郡處嶺表東南隅氣候較遲卽咫尺之大埔豐順未免稍異

通書歲占立春微雨兆有年諺云乾冬溼年禾黍滿

田凡朔日雨主一月多雨每月交二十五日雨主次

月有雨曰隔月雨春霧晴秋霧雨冬霧不寒夏霧不

暑正月八日爲穀日晴爲祥雨爲災三月十六爲黃

姑浸種日西南風主大雨三月二十三爲天后誕日

前後必有風雨六月十二日爲彭祖忌必有大風雨

四月八日雨多則荔子多蛙而落四月二十日日小

分龍五月二十日日大分龍皆宜雨不雨則歲歉五

月有三卯占有年

〔林志〕地氣四季長春三冬無雪一歲之中暑熱過半一日之間氣候不齊有時怒濤夜號斷虹先現則颶風大作其小者俗稱水蕩或久旱欲雨久雨欲晴則江海之濱常有火柱見

案唐志曰氣之有寒燠以太陽之遠近爲寒燠也嶺南去北極遠去赤道近有燠非無寒第不甚寒耳其氣雜其至遲正月寒於十二月七月熱於六月每年氣候常遲四十五日春分始溫夏至始熱秋分始涼冬至始寒所以冬多愆陽夏多伏陰也

颶風

〔投荒雜錄〕嶺南諸郡皆有颶風

〔南越志〕颶者具四方之風也常以六七月發未至時三日雞犬爲之不甯一曰懼風言怖懼也

嶺表錄夏秋之間有暈如虹者謂之颶母必有颶風  
〔蘇叔黨颶風賦〕排戶破牖殞瓦擗屋礮擊巨石採拔喬木勢翻渤澥響振坤軸疑屏翳之赫怒執陽侯而將戮鼓千尺之清瀾襄百仞之陵谷吞泥沙於一卷落崩崖於再觸列萬馬而並驚潰千軍而爭逐虎豹讙駭鯨鯢犇蹙類鉅鹿之戰殷聲呼而動地似昆陽潮陽縣志卷一 颶風 七  
之役舉百萬於一覆

〔嶺南志〕颶風將發有微風細雨先緩後急謂之鍊風  
〔府志〕海上人先期數日間有聲微發發而旋止急而旋緩知爲颶風之兆及見炎雲蒸鬱有虹低垂下飲海水水上生雲微黑色旣而純赤色夾日以翔於南是謂瘴母又稱颶母形如破帆如犁頭如爛苔遍流而北水鳥驚飛木葉南側而颶風作矣益之以暴雨助之以驚潮其勢愈猛烈不可狀拔木偃禾飛沙走石屋宇崩搖馬牛摧仆靡所不至昌黎所謂盲風者此也颶以東北方始必由北而西以西北方始必由

北而東而皆終於南其自西北東而轉於南者名曰迴南風力最大

見 林志 颶風海濱歲有之小者曰海蕩每作必先有虹

唐志夏至以後海中有聲吼於東北似鼓非鼓倏而亂雲如奔馬自東北飛赴西南颶隨以作其將息也風由西南迴轉其暴益甚俗謂之轉迴南移時而風漸殺